



Inatsisartuni ilaasortaq,
Lars Poulsen, Siumut
Maani/

§ 37 naapertorlugu apeqquteqaammut nr. 089-2023, Naalakkersuisut Tasiilap eqqaanut tuttunik umimmannillu nuussinissamik pilersaaruteqarnersut pillugu tunngasumut akissut.

Ulloq: 09-05-2023
Suliap normua: 2023 - 11250
Akt normu: 86935985

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiusaqarsimavutit, Tasiilap eqqaanut tuttunik umimmannillu nuussinissamik Naalakkersuisut pilersaaruteqarnersut pillugu. Apeqqutitit uanga suliasaqarfigisannut akisassanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Apeqqut 1) Tasiilap eqqaanut tuttunik umimmannillu nuussinissamik Naalakkersuisut pilersaaruteqarpat?

a. Taamatut pilersaaruteqartoqanngippat, periarfissat misissorusuppisigit, taamatullu misissuititsinissaq qanoq imaqassaneraniq nassuiaassisinnaavisi?

Akissut 1) Tasiilap eqqaanut tuttunik umimmannillu nuussinissamik maanna pilersaaruteqartoqarneraniq Naalakkersuisut ilisimasaqanngillat. Uumasunik taamatullu tuttunik umimmannillu nuussinissamut pilersaarusiorneq aningaasalersuisarnerlu nalinginnaasumik kommuninit isumagineqartarpoq. Uumasunik nujuartanik Kalaallit Nunaanni sumiiffimmit ataatsimiit allamut nuussinissaq siaruartitsinissarluni *Pinngortitamik innarlitsaaliuneq pillugu Inatsisartut inatsisaanni nr. 29-mi, 18. December 2003-meersumi* § 33, imm. 5, naapertorlugu Naalakkersuisunit akuerineqartussaavoq, soorluttaaq uumasunik nujuartanik nikeriarsinnaajunnaartitsineq, tigusineq, nuussineq kiisalu aqutsineq *Piniarneq aallaaniarnerlu pillugit Inatsisartut inatsisaat nr. 12, 29. Oktober 1999-meersumi* § 8, imm. 11, nr. 11, malillugu malittarisassat Naalakkersuisunit atuutilersinneqartut malillugit ingerlanneqassasoq.

Akissut a. Tuttunik umimmannillu nuussinissaq pillugu periarfissanik misissuinissaq nalinginnaasumik kommuninit isumagineqartarpoq, tassungalu atatillugu ilaatigut nunaminertani nuussinissamut eqqarsaatigineqartuni naasoqassuseq pillugu misissuisoqartarluni. Taassuma saniatigut uumasut nuunneqartut ataasiakkaanut aqutsinermut pilersaarut suliarineqartussaavoq qinnuteqaammut ilanngullugu nassiuunneqartussaaq, soorluttaaq nuussinermi nuussereernerullu kingorna nakkutiginninnissaq piumasagaataasoq. Misissuinissamut nuussinermullu aningaasanik missingersuutit piareersimatinneqassapput. Pisortanik akuersissutit pisariaqartut taarmik qinnuteqarnermi uppersarsinnaasariaqassapput.

Inussiarnersumik inuulluaqqusillunga

Karl Tobiassen
Aalisarnermut Piniarnermullu Naalakkersuisoq